

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ  
ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ  
ՈՐՈՇՈՒՄ թիվ 005601/01**

**ՎԱՐՉԱԿԱՆ ԻՐԱՎԱԽԱՒՏՄԱՆ ԳՈՐԾԻ ՎԵՐԱԲԵՐՅԱԼ**

Ես՝ ՀՀ ՊԵԿ իրավաբանական վարչության պետ Ա. Մնացականյանս, քննելով 19.03.2021 թվականի վարչական իրավախախտման վերաբերյալ թիվ 005601 գործը,

**ՊԱՐԶԵՑԻ**

Համաձայն հարկային մարմնում վարվող անձնական հաշվի քարտի տվյալների «ՖԼԵՔՍ 20» ՍՊԸ-ի (ՀՎՀՀ 00217577) չկատարված հարկային պարտավորությունները 25.01.2021թ-ի դրությամբ կազմում են 2977966 ՀՀ դրամ, որից 2972022 ՀՀ դրամը առաջացել է 2020թ-ի 4-րդ եռամսյակի շրջանառության հարկի հաշվարկից:

«ՖԼԵՔՍ 20» ՍՊԸ տնօրեն Արտակ Ավետյանի կողմից (Կոտայք, Ջրվեժ, Ցփ 1 նրբ 11) 2020թ-ի 4-րդ եռամսյակի շրջանառության հարկի հաշվարկից առաջացած 2972022 ՀՀ դրամ գումարը ՀՀ Հարկային օրենսգրքով սահմանված ժամկետներում չի վճարվել, որի համար նախատեսվում է պատասխանատվություն Վարչական իրավախախտումների վերաբերյալ ՀՀ օրենսգրքի 170<sup>3</sup> հոդվածով:

Կողմը, պատշաճ ծանուցված լինելով արձանագրության կազմման, գործի քննության վայրի և ժամանակի մասին, ներկայացրել է դիմում առ այն, որ հարկային պարտավորություններն արդեն մարված են: Հարկային պարտավորության ուշացման պատճառը եղել է ՀՀ Էկոնոմիկայի նախարարության կողմից «ՖԼԵՔՍ 20» ՍՊ Ընկերության պարտքի վճարման ուշացումը շուրջ երեք ամիս:

Վերոնշվածը վարչական պատասխանատվությունից ազատելու հիմք չէ, քանի որ համաձայն ՀՀ Հարկային օրենսգրքի 262-րդ հոդվածի՝ շրջանառության հարկ վճարողները Օրենսգրքի 260-րդ հոդվածով սահմանված կարգով հաշվարկված՝ պետական բյուջե վճարման ենթակա շրջանառության հարկի գումարները պետական բյուջե են վճարում մինչև յուրաքանչյուր հաշվետու ժամանակաշրջանին հաջորդող ամսվա 20-ը ներառյալ, սակայն «ՖԼԵՔՍ 20» ՍՊԸ տնօրեն Արտակ Ավետյանի կողմից 2020թ-ի 4-րդ եռամսյակի շրջանառության հարկի հաշվարկից առաջացած գումարը ամբողջությամբ մարվել է սահմանված ժամկետից ուշ՝ 01.03.2021թ-ին:

Այն փաստը, որ Արտակ Ավետյանը մեկ տարվա ընթացքում չի կատարել իրավախախտում, սույն գործով դիտվում է պատասխանատվությունը մեղմացնող հանգամանք:

Ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 32-րդ հոդվածի 2-րդ մասով, 33-րդ, 244<sup>2</sup>, 281 հոդվածներով և 282 հոդվածի 1-ին մասի 1-ին կետով՝

**ՈՐՈՇԵՑԻ**

Համաձայն Վարչական իրավախախտումների վերաբերյալ ՀՀ օրենսգրքի 170<sup>3</sup> հոդվածի, Արտակ Ավետյանի նկատմամբ կիրառել վարչական տույժ՝ նշանակել տուգանք 10.000 (տասը հազար) դրամի չափով:

**ԻՐԱՎԱԲԱՆԱԿԱՆ ՎԱՐՉՈՒԹՅԱՆ ՊԵՏ**

**Ա. ՄՆԱՑԱԿԱՆՅԱՆ**

Ծանոթություն. Վարչական իրավախախտումների վերաբերյալ ՀՀ օրենսգրքի համաձայն՝ Վարչական տույժ նշանակելը վարչական իրավախախտում կատարած անձին չի ազատում այն պարտականության կատարումից, որը չկատարելու համար նշանակվել էր վարչական տույժ (հոդված 40)

Վարչական իրավախախտման վերաբերյալ գործի որոշման դեմ գանգատ կարող է տրվել որոշումն ստանալու օրվանից հետո երեսուն օրվա ընթացքում: Նշված ժամկետը հարգելի պատճառներով բացթողնելու դեպքում այդ ժամկետը կարող է վերականգնվել գանգատը քննելու համար իրավագոր մարմնի (պաշտոնատար անձի) կողմից, այն անձի դիմումով, որի նկատմամբ ընդունված է որոշումը (հոդված 288) կամ որոշումը կարող է բողոքարկվել ՀՀ վարչական դատարան՝ երկամսյա ժամկետում:

Խախտողի կողմից տուգանքը պետք է վճարվի տուգանք նշանակելու մասին որոշումը նրան հանձնելու օրվանից ոչ ուշ, քան տասնհինգ օրվա ընթացքում, իսկ այդ որոշումը գանգատարկելու կամ բողոքարկելու դեպքում՝ գանգատը կամ բողոքը առանց բավարարման թողնելու մասին ծանուցման օրվանից ոչ ուշ, քան տասնհինգ օրվա ընթացքում (հոդված 305, մաս 1) գանձապետական հետևյալ հաշվեհամարին. **900005240487՝** վճարման անդորրագրի <<նպատակ>> դաշտում պարտադիր նշելով որոշման համարը:

Տուգանքը նշանակելու մասին որոշումն իրավախախտում կատարած անձին հանձնելու օրվանից, իսկ տուգանք ընշանակելու մասին որոշումը բողոքարկելու դեպքում բողոքն առանց բավարարման թողնելուց հետո 15 օրվա ընթացքում տուգանքը չվճարելու դեպքում այն ենթակա է բռնագանձման օրենսդրությամբ սահմանված կարգով: